

newbee+

G A R A M D A N T E R A N G D U N I A :
MERAHKAN, MENDENGAR DAN BERJALAN BERSAMA DALAM SEMANGAT
PERSEKUTUAN, PENYERTAAN DAN MISI (MATIUS 5:13-16).

FOKUS BULANAN PENZIARAH HARAPAN

Bersiap Sedralah

Adven adalah masa persiapan. Masa untuk berjaga-jaga untuk Kristus. Masa untuk respon menjalani kehidupan yang kudus. Semasa kita menghurai bacaan, marilah kita membenarkan Roh Kudus bercakap kepada kita.

Yeremia menjangkau umat Allah yang hancur oleh kehilangan. "Sesungguhnya waktu akan datang" Tuhan berfirman melalui nabi. "Aku akan menepati janji yang telah Kukatakan kepada kaum Israel dan kaum Yehuda." Walaupun semuanya kelihatan suram, dengan keluarga Daud akan ditebang,



"Jadi kita dapat mengharapkan kemuliaan surga, yang Allah telah janjikan kepada mereka yang mencintai Dia dan melakukan kehendakNya."

(KKG, 1821)



Tuhan menjanjikan *tunas baharu*. *Tunas baharu* ini, keturunan Daud adalah Dia yang akan melaksanakan keadilan dan kebenaran. Dialah yang kita nantikan pada Musim Adven ini.

Semasa kita menanti dengan sungguh-sungguh, Santo Paulus menasihati kita untuk *bertambah-tambah dan berkelimpahan dalam kasih seorang terhadap yang lain dan terhadap semua orang*. Dia menghendaki agar hati kita dikuatkan supaya tidak bercela dalam kekudusan di hadapan Allah, Bapa kita. **Semasa musim pertobatan ini, marilah kita mengambil langkah untuk meningkatkan kehidupan doa kita dalam perenungan dan latihan rohani yang lain.** Ini sangat penting bagi kita untuk bertumbuh dalam kekuatan dan dalam kekudusan - pemakanan rohani fakulti kita. Gereja dalam memanggil kita untuk mempersiapkan perayaan Krismas juga membangkitkan dalam diri kita melalui bacaan-bacaan liturgi untuk Kedatangan Kedua pada akhir zaman, dan untuk penghakiman terakhir, yang membawa kita kepada bacaan Injil yang diambil dari Lukas.

Yesus bercakap kepada murid-muridNya untuk keperluan untuk berjaga-jaga kerana tiada siapa yang tahu bila hari Tuhan akan datang. Ini adalah panggilan abadi kepada kita juga. Santo Lukas memberi kita kisah dramatik tentang kedatangan terakhir ini, tentang laut yang bergelora dan pemandangan yang menakutkan. Tetapi, apabila Tuhan datang dalam kemuliaan, kita harus *bangkitlah dan angkatlah muka kita, sebab penyelamatanmu sudah dekat.*" Kita telah membaca tahun demi tahun, Adven demi Adven, untuk melihat tanda-tanda yang akan berlaku, dan bersiap sedia.

Jangan menjadi mangsa perangkap dunia, tetapi lihatlah nasihat dan kehidupan orang-orang kudus yang telah mendahului kita. Mereka mengalami kedatangan mistik Kristus dalam kebiasaan hidup mereka semasa di bumi dan mereka telah pun menuntut warisan mereka di surga.

BERSIAP SEDIALAH PADA SETIAP MASA! ✦

Ayat Suci Minggu ini:

Yeremia 33: 14-16

Mazmur 24: 4-5, 8-10, 14

1 Tesalonika 3: 12 - 4:2

Lukas 21: 25-28, 34-36